



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De  
Contractibus

**Antoine, Paul-Gabriel**

**Ingolstadii, MDCCXXXIII.**

**VD18 90392159**

Q. 1. Unde oritur obligatio restituendi?

**urn:nbn:de:hbz:466:1-40993**

quod si Dominus longè ferret ægrius usum, quām otiosam detentionem, eo quod res usu atteratur, vel periculo exponatur, tunc gravius peccas usu ejus rei, quām nuda detentione: nam plus est cæteris paribus uti re aliena, quām eam nude detinere invito Domino, ac proinde major est injuria. 2. Si res apud te facta sit deterior, ita ut prudenter judices, Dominum eam non amplius velle, sed potius pretium ejus; non peccas eā utendo, aut eam destruendo, quia hoc non facis invito Domino. Peccas tamen, ejus pretium non restituendo, cūm primū potes.

## CAPUT III.

*De Radice obligationis restituendi.*

**Q. I.** **U**Nde oritur obligatio restituendi?

*Resp.* Ex quatuor Capitibus scilicet I. Ex iusta acceptance, qua intelligitur iusta, & culpabilis rei alienæ ablato, retentio, vel damnificatio, ex cap. ult. de Injur ibi: *si culpā tuā datum est dāmmum, vel iñuria irrogata, seu aliis irrogantibus opem tulisti, aut hæc imperitiā tuā sive negligentia evenerunt, jure super his fatisfacere te oportet.* Nam jus per injuriam auferri nequit: ergo in eo, cuius res ablata, vel destruta est, semper manet jus ad illam habendum, vel ejus pretium, quod est res æquivalenter: ac proinde manet in altero obligatio-

restituendi. 2. Ex re accepta, id est, ex re aliena in se, vel in æquivalenti existente apud alium sine hujus culpa; nam *locupletari non debet aliquis cum alterius injuriâ, vel jacturâ*, reg. Jur. 48. in 6. Deinde dum res est aliena, eo ipso subest juri alterius, qui inde minus habet, dum ea caret, quâm habere deberet 3. Ex contractu explicito, vel implicito, seu quasi contractu in assumptione Officij, seu muneric, nam quidquid fit contra pactum, vel officium ad aliorum commodum spectans, est contrajustitiam commutativam, ideoque obligat ad restitutionem. Ex lege positiva, & iusta sententia. De his duobus ultimis alibi dictum est.

**Q. 2.** *An oritur obligatio restituendi ex damnificatione nullatenus peccaminosâ, v. g. ob inconsiderationem, distractionem mentis, oblivionem prorsus involuntariam?*

**Resp.** Non oritur extra contractum, & officium. **Quia** 1. *Rem, quæ culpa caret in damnum vocari non convenit.* Cap. 2. de Constit. 2. *Qui damnum sine ullo peccato extra contractum, & officium intulit, ex nullo capite tenetur restituere:* non ratione injuriæ, cùm non peccaverit; neque ratione rei acceptæ, aut contractus, vel legis, cùm nihil horum exstet. 3. *In hoc casu damnum non illatum fuit damnificato rationabiliter invito:* nemo enim potest velle rationabiliter, ut quis sibi non inferat damnum etiam tum, cùm de eo inf-